

大震

〔武江年表<sup>十一</sup>〕元治元年五月三日明六時過、地震強く長し、

〔日本書紀<sup>二十九</sup>〕四年十一月是日大地動、六年六月乙巳、大震動、十一年八月癸酉、大地動、十三年十月壬辰、逮于人定、大地震、舉國男女叫唱不知東西、則山崩、河漏、諸國郡官舍、及百姓倉屋、寺塔、神社、破壞之類、不可勝數、由是人民、及六畜、多死傷之、時伊豫湯泉、沒而不出、

〔續日本紀<sup>十一</sup>〕天平六年九月壬午、大地震、

〔續日本後紀<sup>五</sup>〕承和三年五月戊午、大地震、

〔三代實錄<sup>十六</sup>〕貞觀十一年五月廿六日癸未、陸奧國地大震動、流光如晝、隱映、頃之人民叫呼、伏不能起、或屋仆壓死、或地裂埋殮、馬牛駭奔、或相昇踏、城墩倉庫、門櫓牆壁、頽落顛覆、不知其數、

〔日本紀略<sup>一</sup>〕昌泰元年七月廿七日乙未、大地震、

〔日本紀略<sup>二</sup>〕承平五年四月十五日己卯、大地震、

〔日本紀略<sup>四</sup>〕康保二年九月廿一日戊子、大地震、廿二日己丑、又震、廿三日庚寅、又震、

〔日本紀略<sup>六</sup>〕天祿三年閏二月十四日甲辰、寅刻大地震、申刻宜陽殿鳴、

天延元年九月廿七日辰刻大地震、

貞元元年四月十一日丁未、今夜地大震、

〔日本紀略<sup>八</sup>〕永觀二年十一月八日甲寅、大地震、

〔日本紀略<sup>十</sup>〕長德二年六月廿六日乙未、地大震、三年五月廿二日乙酉、地大震、四年十月三日

戊子、地大震、

〔日本紀略<sup>十三</sup>〕萬壽四年三月二日癸卯、申時大地震、

〔扶桑略記<sup>二十九</sup>〕康平八年<sup>治曆</sup>五月七日丙寅、地大震、

〔扶桑略記<sup>三十</sup>〕寬治六年十一月十日己丑、戌刻地大震動、群犬駭吠、